



# **DECLARACION**

**DI INTENCION PA FORMACION  
DI GOBIERNO 2021-2025**

**PARTIDONAN**

**Movimiento Electoral di Pueblo (MEP)  
y RAIZ,**

---

**Aruba,**

**Diahuebs 8 di juli, 2021**

# DECLARACION DI INTENCION PA FORMACION DI GOBIERNO 2021-2025

Partidonan Movimiento Electoral di Pueblo (MEP) y RAIZ,

## **Considerando:**

- Cu e resultado di eleccion di dia 25 di juni 2021, ta duna MEP cu 9 asiento y RAIZ cu 2 asiento un mayoria den Parlamento di Aruba;
- Cu e programanan di MEP y RAIZ ta duna espacio pa traha hunto y pa reposiciona e rumbo di nos pais;
- E deseo di partidonan pa forma un gobierno solido pa e periodo 2021-2025 basa riba integridad, bon gobernacion, finanzas publico balansa, recuperacion economico a base di desaroyo sostenibel, unda e ser humano y e bienestar di henter nos comunidad ta central;

## **Ta declara**

E intencion pa forma hunto cu e partidonan MEP y RAIZ, e coalicion pa e gobierno nobo di Aruba pa e periodo 2021-2025, a base di entre otro e siguiente prioridadnan y puntonan di salida:

**1. INTEGRIDAD:** Democracia di nos pais y bon gobernacion ta depende di e capacidad y integridad di esnan cu ta ocupa posicionnan clave den e aparato (semi) gubernamental. P'ese y ta importante pa garantisa gobernantenan integro den gobernacion y procesonan integro den e aparato gubernamental y companianan estatal. Ta sigui eleva “integridad” na nivel ministerial dunando contenido na Bureau Integriteit, Defensor di Pueblo y Corporate Governance Code pa companianan estatal a base di un “integriteitsbeleidsplan”. Ademas ta busca ratificacion di e Convencion di Nacionnan Uni contra corrupcion di 2003.

**2. ACUERDONAN CU HULANDA:** E acuerdonan cu a wordo cera cu Hulanda a base di “landspakket” ta wordo respeta y lo delibera cu Hulanda pa un optimo implementacion na bienestar di nos comunidad.

**3. RECUPERACION ECONOMICO:** Un gobierno pro-activo pa rebiba economia cu e tarea principal di facilita inversion y produccion den sector priva den consulta y coordinacion cu dicho sector. E Masterplan “Repositioning our Sails: Aruba’s mission driven model for economic recovery & resilience” lo ta fundeshi pa futuro desaroyo y pa por diversifica nos economia conhuntamente cu sector priva y publico. Enfasis lo ta un economia di calidad en bes di cantidad.



**4. FINANAS PUBLICO BALANSA:** Ta sigui baha gastonan innecesario y nos debe nacional na un nivel manehabel, restructura e sistema di impuesto pa uno mas simpel y reforma e peso di impuesto di directo pa indirecto. Ta sigui cu e proyecto di “begrotingskamer”.

**5. DESAROYO SOSTENIBEL Y MEDIO AMBIENTE:**

Enfasis ta wordo poni riba un proteccion di nos medio ambiente, crea mas oportunidad pa agricultura y un economia circular pa sigui duna contenido na e Metanan Mundial di Desaroyo Sostenibel.

**6. DERECHONAN SOCIAL, CUIDO DI ADULTO MAYOR, NOS MUCHA Y HOBENNAN:**

Den e proximo cuatro añanan, e empeño maximo di e gobernacion lo ta pa proteha e comunidad por medio di husticia social, pa hisa e nivel di siguridad, bienestar y calidad di bida, promove salud en general y salud mental en especial, pa na final contribui na un Aruba sigur, resiliente y duradero na unda ser humano lo keda central. Desaroya un maneho integral, duradero y sostenibel pa nos adulto mayor, brindando nan participacion optimal den nos comunidad. Lo pone mas enfasis riba e guia di nos hubentud, pa asina nos por brinda nos muchanan y hobennan mas perspectiva den bida riba tereno di enseñansa, deporte y cultura. Esaki lo yuda nan maneha factornan cu por hiba nan den mal caminda como tambe problemanan den famia na tempo y efectivamente.

Aruba, 8 di juli 2021



---

Lider Partido MEP  
Evelyna C. Wever-Croes



---

Lider Partido RAIZ  
Ursell M. Arends



